



Progjet promovût di 'Il Friuli' e 'ARLeF'

**TANT PAR RIDI**

Un siôr intun negozi di pomis:  
 "O volarès vè un chilo di miluçs".  
 "Ros, zâi, o verts?".  
 E lui: "Nol impuarte, tant ju scussi".



Fotografie di Vigji di Silvia Raber

**UN REGÂL SPECIÂL**

Intun paîs, inte perifarie di Udin, e viveve une amie di Elisa di non Daria. E jere a stâ intune cjasute colôr naranç cun so pari Roberto e cun so fradi Mauro. Al jere il complean di Daria, e jê e veve preparât un ghiringhel cun ogni ben di Diu par fâ une bieie fieste. Ancje Elisa e jere stade invidade, e e voleve fâi un regâl speciâl. Tor ore di cene, a jerin tacâts a rivâ, un par volte, ducj i invidâts cun tancj bieie regâi par jê: golainis, braçalets, garofui di ogni colôr, dolçuts... Elisa e jere rivade cuntune grande scjate cuntune gale viole. E jere une scjate une vore speciâl e quant che Daria le veve vierzude e jere restade inmagade di chei doi voi verts smeraldin che a slusivin. Dut sbarlufit e tremant tant che une fuee, si scuindeve dentri ta chê scjate Ghemon. Al jere stât amôr a prime viste. Chel al jere il regâl plui biel che Daria e ves mai ricevût: une balute dute fofe, cul pèl lustru che al passave dal blanc cjandit al grîs fum, cun tantis strichis neris che al pareve un tigre. Al veve un cuarp avonde sutil, cuntun puartament une vore elegant.  
 (al va indenant...)

**LIS AVENTURIS DI VIGJI**

**CJANTIS, FILASTROCJIS, POESIIS**

Une dì e je passade a cjatâmi Serena Martini, une insegnante de Scuele de infanzie, a contâmi la storie di un miluç magjic che, cu la fantasie, al voleve volâ. Ma, puarin, lui nol rivave! Alore, mi à domandât di judâlu soflant, ma istès al plombave jù, cussì jo lu ai judât cuntun balonut.



(Tirade fûr dal libri "Un miluç ae scuvierte dal mont", di Alberto Bussettini, Maria Ester Colombo, Serena Martini e Caterina Fiorini, de Scuele pe Infanzie di Tarvis)

**Al rodole il miluçut**

Al rodole, al rodole il miluçut  
 Al rodole, al rodole il miluçut  
 Al rodole sù  
 Al rodole jù  
 Al rodole ca  
 Al rodole là  
 Dut il mont al vûl viazâ

**ZÛCS**

Tal mieç di ducj chescj arbui tu puedis cjatâ trê arbui di "Maman!". Ciriju e cercliju.



**LA DETULE DAL DÌ**

SE TU TU ÂS UN MILUÇ E JO UN ALTRI MILUÇ E SAI SCAMBIÛN, ALORE TU E JO O VIN SIMPRI UN MILUÇ PAR OM. SE PERÒ, JO O AI UNE IDEE E TU UNE ALTRE IDEE E SES SCAMBIÛN, AL VÛL DÌ CHE O VIN DUCJ I DOI DÔS IDEIS.

**LU SAVEISO CHE...?**

■ Fruts savêso ce che a son i lops? A son miluçs salvadis che in Cjargne si doprin par fâ il struc di miluçs  
 A Çurçuvint Disore  
 A Çurçuvint Disot  
 Disore a dan lis nolis  
 Disot a dan ju lops  
 Ju lops, ju lops  
 A Çurçuvint Disot



**MILUÇS CAMELÂTS DE GNOT DAI MUARTS (HALLOWEEN)**

Par preparâ i miluçs caramelâts o vês dibisugne di:

- 6 miluçs ros
- 80 grams di mîl
- Une sedon di canele
- 200 grams di zuçar
- Une fialute di colorant par aliments colôr ros
- Une bustute di vaniline
- Brucjis di garoful
- 6 stechedincj luncs



Mi racomandi, prime di scomençâ: lavaitsi simpri lis mans; metêt lis manecis tes mans, un grumâl intor par no sporcjâsi, un cjapiel di cogo par no pierdi cjavei inte pignate, e fasêtsi simpri judâ di un grant par ducj i passaçs.

Sêso pronts? Alore scomencin!

**RICETIS - Master Cogo Furlan**

Lavait i miluçs gjavant i pecoi, e impiraitju tai stechedincj.

Messedait intune scudiele la mîl, il zuçar, la vaniline, il colorant, la canele e lis brucjis di garoful insieme a mieze tace di aghe.

Metêt i ingredients dentri di une pignate alte e fasêt cusinâ a flame medie messedant cence fermâsi, fintremai che il zuçar al scomence a caramelâ.

Lassait sul fûc ancjemò par 2 minûts.

Preparait une tecje fodrade di cjarte vueleade.

Metêt i miluçs, un ae volte, dentri te pignate e lassaitju a disfredâ parsore de tecje.

Imagjin gjavade dal sît <http://www.gustissimo.it/ricette/biscottidolcetti/mele-caramellate.htm>

**99 PERAULIS**



"99 Peraulis. Fevelâ cul mont. Parlare col mondo. Talking to the world", di Silvana Schiavi Fachin, Futura edizioni, realizât in colaborazion cun ARLeF



**IDEIS PE LETURE**

"Un cjalderon di flabis", test di Stella Mantovani, dissens di Lucia Londero; volum contignût te racuelte cun CD "Mariflabis - Storiis in marilenghe di lei e di scoltâ", Comun di Glemone, 2014.



**Tele di ragn**

Cjate in cheste "tele di ragn" la uniche sequece di letaris che e permeti di lei il non par furlan de figure.



In spiète de gnove stagjon continuait a gjoldisi lis replichis de prime edizion di Maman! **su telefriuli**

cun **Daria Miani** e tancj ospits in ogni pontade

Ogni vinars aes 17.45  
 miercus aes 17.45  
 e domenie aes 7.15